

TE HEHEURAA API

TIUNU 1938.

TE UPUTA NO TE HAAMAITAIRAA.

E HARU ANEI TE TAATA NEI I TA TE
ATUA ? UA HARU MAIRA OUTOU ITA'U RA.
TE PARAU NEI RA OUTOU, I HARU MATOU
I TA OE I TE AHA ? I TE AHURU O TE TA-
O'A RA E TE MAU Ô.

Malaki 3:8.



IRAVA TAMAU AAU
NA TE

FEIA API

HAAPIIRAA SABATI

Mai te hopoiraa mai a te
mau taata i ta ratou tao'a
i roto i te fare o Iehova, e
maa rahi ta matou, e e ra-
hi hoi te toe: ua haamai-
tai mai hoi Iehova i to'na
taata; e te toea o taua ta-
o'a ra oia teie nei mea ra-
hi.

II Paralei. 31:10.

Hopoi mai na outou i te
ahuru atoa o te mau tao'a
i roto i te fare vairaa, ia
maahia tau fare nei, e ta-
mataraa te reira ia'u nei,
te parau maira te Fatu sa-
baota ra, i te oreraa vau
i te iritiraa i te mau haa-
maramarama o te ra'i ra,
a ninii atu ai i te tao'a ra-
hi roa ei maitai no outou.

II Nephi 24:10.

Ia ore ra outou e rave i Ta'u, aita ia a outou e safau i reira.

No Te Irava Tamau Aau.

F OAOA rahi tei Ierusalema, mai ia Solomona a Davida arii no Iseraela mai â, aita ia e faito i Ierusalema nei.

Ua pohe te arii ino ra o Ahaza, monohia'tura oia e tana tamaiti ra o Hezekia, e ua rave oia i te parau-tia i te aro o Iehova i te mau mea atoa ta to'na tupuna, ta Davida i rave ra. No te reira tnmu, e homa, i tupu ai te oaoa i Ierusalema ra, oia hoi, ua faaapîhia te mau vahi ino o te Hiero; faatupu faahou a'era oia i te oro'a Pasa, e te mau oro'a tahito, vavahi a'era oia i te mau tii e ua tapu i te mau vahi uru ra-au, e hopoi faahou atura ratou i te ahuru i te mau mea atoa ra e rave rahi na to ratou Atua.

E ua hopoi maira ratou i te ahuru i te mau mea mo'a i haamo'ahia ra, e ua haapue noa hia ia. Tae maira te arii, ui atura oia i te feia tahu'a i taua mau puea ra. E na Azaria, tahu'a rahi no te utuafare o Zadoka, i parau atu ia'na: *Mai te hopoiraa mai a te mau taata i ta ratou tao'a i roto i te fare a Iehova, e maa rahi ta matou e e rahi hoi te toe; ua haamaitai hoi Iehova i to'na taata; e te toea o taua tao'a ra, oia teie nei mea rahi.*

I muri a'e i te taeraa o te Feia Mo'a i te mau mou'a ofai, te tupu noa ra te tarahu a te Ekalesia i te rahi. I reira, ua tupu te mana'o o te Atua i roto i te Peropheta ra o LORENE-SO SENO no te faa etaetaraa i te ture no te tufaa ahuru, e ua haapiihia i te mau amaa atoa ra, e no teie nei faa etaetaraa hia i tiamâ'i te Ekalesia i te tarahu, e ua na ô maira taua Peropheta, a te Atua, i te feia tei haapao i taua ture ra: *E te mau taeae e, ia haamaitai mai te Atua, o to tatou mau metua o Aberahama, Isaaka e Iakoba, ia outou. E tatou, ta tai tahi, o tei tapea i teie nei ture, e ora oia i roto i te hanahana Tiretiera ra. Ei te Atua outou, Amene.*

E hoa ino ma e ! E oaoa rahi tei Ierusalema no te haapao-raa i te tao'a a te Fatu, ua navai te tao'a o te feia atoa, e ua toe. Na reira atoa te piti, ua roaa mai te haamaitairaa no

te nol
ta te
na ô
tou ra
nii atu

Te
hi'o
E e

e, te t
sia, ta
Tutaa
riro ra
atu ne
mau F
mau A
Evane
Ahuru
pa, ma
teie ne

Ua l
mea pa
reira o
no te ta
mana'c
ia Mo'a
pe. Ait
noa ma
rau nei
mau ne

te nohoraa i te parahiraa matamua na roto i te haapaoraa i ta te Atua i horoa mai. E au roa teie nei parau i to te Fatu na ô raa mai ia tatou nei: Ia haamana'ohia Ta'u ahuru o ta outou ra tao'a -- e iritihia ia te mau haamaramarama o te ra'i ra, a nini atu ai i te tao'a rahi roa ei maitai na outou.

Tatou atoa nei, E ere anei teie ei hi'oraa na tatou?

E ere anei ei Uputa no te Haamaitairaa?

Papaiha e Beniamina Orometua.

E PORORAA.

MAI ta'u i faaite a'enei, i ô nei, i na po i roto i te pureraa Autahu'araa, te hinaaro nei â vau i te faaite e, te tiaturi nei au ia riro te mau Feia faatere no te Ekalesia, ta tai hoê mai teie nei â mahana, ei feia aufau mau i te *Tutaa Ahuru*, eiaha i te tufaa ana'e, te taatoaraa ra, e ia riro ratou ei feia haapao papu i te *Parau Paari*; E te ani atu nei au i te mau Feia toroa atoa i roto i te Ekalesia, e te mau Feia faatere no te mau pûpû, i roto i te mau Titi e te mau Amaa, mai te mea aita ratou e ora nei mai te au i te Evanelia e aita ratou e aufau maitai nei i ta ratou *Tufaa Ahuru*, e mea maitai a'e ia vaiiho ratou i ta ratou mau ohipa, maori ra, ia haapao ratou i teie nei mau faaueraa mai teie nei â mahana.

Ua haamata tatou i te rave i te hoê ohipa rahi mau e e mea papu aita roa te peapea e tupu i roto i te raveraa i te reira ohipa rahi. Te hinaaro nei tatou ia pue te mau ravea no te tauturaa i te mau Feia Mo'a tei roohia i te ati. A haamana'o maitai ra outou, ia parau vau e, e Feia Mo'a, ei Feia Mo'a mau ihoa. Aita vau e parau nei no te feia hupehupe. Aita vau e parau nei no te mau taata tei parahi faatau noa ma te tiaturi e, na vetahi ê e haapao ia ratou — Te parau nei râ vau no nia i te Feia Mo'a. Mai te mea e hinaaro mau nei te mau taata i te aufau i ta ratou *Tufaa Ahuru*, ia

haapao i te *Parau Paari*, e ia haapae mau ratou i te maa, i na tamaaraa e piti i roto i te ava'e hoê, ma te horoa i te moni e au no te reira, e tia ia, ia tatou, ia haere i mua, ma te peapea ore, i roto i ta tatou Ohipa rahi faaora.

Te mana'o nei matou e, i roto i te mau tītī no Ziona, e mea tia roa, i te mau peretiteni tītī, to ratou mau tauturu, te mau papai parau, te mau melo no te apooraa rahi tei riro ei faatere no te mau taata—ia vaiiho i ta ratou mau ohipa mai te mea eita e tia ia ratou ia haapao i taua mau ture ra. Ua horoa hia te mana faatere ia ratou e e mea tia roa, i te mau feia faatere ia parau, mei teie nei mahana: *E tavini mau vau i te Fatu ia riro ta'u raveraa ei hi'oraa na te taata.*

Eita roa e tia i te hoê taata ia haapii atu i te *Parau Paari* ma te Varua o te Atua, mai te mea aita oia iho e haapao râ i te reira. Eita atoa e tia i te hoê taata ia poro haere i teie nei Evanelia, ma te Varua o te Atua ora ra, maori ra, ia ora oia mai te au i to'na faaroo; e mai teie ohipa rahi i mua ia tatou e mea tia roa ia faaapî tatou i to tatou auraroraa i te Atua, e te tiaturi nei au, ma te tapitapi ore, e faauru mai, e haamaitai mai e e faarahi mai te Atua i ta tatou mau mea atoa i te mau taime ua afaro tatou i mua Ia'na. Aita matou e hinaaro nei, i teie mau mahana, ia tapiti hia te mau mea ta te mau Parau mo'a i faaite mai, i te mau tau i mairi a'enei, a faaite mai ai te Fatu e, ua haru hia Oia, no te mea ua haapao ore te mau taata i te ture, no te pae tino, ta te Atua i heheu atu ia ratou.

E i teie nei te pure nei au, mai te hopea o to'u mafatu, ia horoa, ta tai hoê mai, te Atua, i te mau tane e te mau vahine tei mau i te hoê toroa, i roto i te mau tītī e te mau amaa, te varua, te ite e te hinaaro mau, mai teie nei â mahana, ia faaapî i ta'na fafau e te Atua, e ia ora mai te au i to'na faaroo; e mai te mea ua rahi to tatou paruparu e tae noa'tu i to tatou haapao oreraa i te reira mau mea, e mea tia roa ia, ia vaiiho tatou i tatou mau ohipa e ia monohia tatou e te tahi ê atu.

Ua parauhia a'enei e, e tia roa i tei paruparu i roto i te Feia Mo'a ia haapao i te *Parau Paari*. Aita roa te hoê noa a'e o

te I
mar
ei n
T
pea
roto
turu
ia t
to t
tato
ia ta
O
e t
hara
tou
ra—
oia
Ia
nia
tia
o Ie
Tam
Ua
Ioan
te m
ra. C
pohe
nia,
Iesu

te Feia Mo'a i faatiahia ia rave i te hoê mea tei faahapa i te mana'o e te te hinaaro o te Fatu, e ua riro te *Parau Paari* ei mana'o e ei hinaaro o te Fatu.

Te hinaaro nei au ia ite outou e, ia'u iho nei, aita e hoê peapea; area, ei tia i no te nănă, ua tae mau te mahana, i roto i to'u mana'o, e i roto atoa i te mana'o o to'u mau tauturu, e mea tia roa ia riro tatou ei feia haapao i teje ohipa e ia tavini tatou i te Atua ma to tatou mafatu, to tatou itoito, to tatou mana'o e to tatou puai, mai te mea te hinaaro nei tatou i te faaoti maitai i te mau mea tā te Fatu e hinaaro nei ia tatou.

O te Evanalia o Iesu Mesia nei, o te Evanelia o te aroha e te faaore raa hara. E tufaa te faaoreraa i ta vetahi ê ra hara no te Evanelia, ia tatarahapa ratou, area, *Na reira tatou e ite ai e, ua tatarahapa mau te hoê taata i ta'na mau hara—oia hoi, ia fa'i oia i te reira e te faarue ê raa'tu.* E eita oia e na reira faahou.

Ia vai te haamaitai o te Atua i nia ia outou, ta tai tahi, i nia i te mau Feia Mo'a atoa, e i nia atoa i te mau feia parau tia atoa i nia i te ao atoa nei, o ta'u ia pure na roto i te i'oa o Iesu Mesia, to tatou Faaora, Amene.

Papaithia e Hebera J. Garanata, Peretiteni.

EDITORIALE

 UÊ te poupon e te oaoa rahi tei tupu i roto ia Iosepha SEMITA i to'na iteraa i te Metua e te Tamaiti. O Raua iho tei paraparau ia'na i roto i te uru raau. Ua oaoa atoa paha oia i te fâ-raa mai o Petero, Iakobo e o Ioane. O ratou tei haere na pihaiho i te Faaora e o tei ite i te mau semeio e te faahuru-ê-raahia o te Fatu i nia i te mou'a ra. O ratou hoi tei ite i to Iesu tia-faahou-raa mai, mai te pohe mai, e tei tatonu noa to ratou mata a pee atu ai Oia i nia, mai rotopu atu ia ratou, e tei faaroo i te parau e: *O Iesu nei â, e ho'i mai Oia mai te reira atoa ra.*

O ratou ia tei ho'i mai no te haamana raa i te taata i teie tau, ia faaineine tatou no taua taeraa mai o Iesu Mesia ra. Ua faatoroa'tu ratou ia IOSEPHA raua o OLIVE i te mana i horoahia ia ratou i Iudea ra, i te mana e tia'i i te taata ia rave i te ohipa a te Atua ra.

E mea mo'a te Autahu'araa nei, e aita e tia i te taata ia rave noa i te reira, i nia ia'na, e a ore ra, ia faaho'i atu i te taime tupuraa mana'o no'na ra. Ia rave te taata i te ohipa no te reira mana, ua na roto ia i te au taeeraa e te parautia ana'e i mua i te Atua. Area ra, ia tamata oia i te huna i ta'na mau hara, e te faatiti i to'na ra taeae, e ravehia'tu ta'na tufaa no taua mana ra e e horoahia te reira na te tahi e atu.

No reira, e au mau taeae e, o te rave nei i ta te Atua, a faatura tatou i te Autahu'araa mo'a, i ta tatou mau parau e i te mau raveraa i te mau mahana atoa. I teie nei ava'e, e ho'e hanere e e iva matahiti tei mairi i muri mai i te tae faahouraa mai o teie mana i nia i te ao nei.

NA o mai te anavai iti ra: e haere mai te taata e e pohe atu oia, area o vau nei, e haere noa vau e a muri noa'tu. Mai te reira atoa te Ekalesia nei, e fanauhia mai te taata e e pohe atu ratou, e reva mai te Orometua e e reva faahou atu, area, te Ekalesia ra, te haere noa nei a i mua.

I roto i teie ava'e no Me i mairi iho nei, ua reva'tu na orometua ra o TORATENA W. Mack raua o ROBETA M. Johnson i to raua fenua ai'a. E piti matahiti e te afa te maoro o to raua parahiraa i teie paeau fenua nei.

Ua tae mai raua i roto i te ava'e no Novema 1935, ua rave noa raua i te ohipa i te mau fenua Tuamotu. E rave rahi to raua mau hoa i te mau fenua atoa tei taeahia e raua, mai ia Takaroa e tae roa'tu i Hao ma. Ua au maitai to te Ekalesia i ta raua mau faatereraa.

Ua mauruuru tatou atoa no te farereiraa e no te mau ohipa maitai ta raua i rave i rotopu ia tatou nei. Ia riro to raua tereraa ei mea maitai e ia manuia hoi raua i reira.

Papaihia e Teina Orometua.

A fa
rarau a
No t
Ei al
Te r
E m
amora
Iesu i

A tai
te ture
E tur
E au
No te
E au
Eaha
E au
E fae
Ua fa

E uc
hia ta

Eaha
Ua ha

E haa

Tei t
tere an
ra e fa

TE PARAU AUTAHU'ARAA.

Haapiiraa no te Ava'e TIURAL.

[*Sabati matamua*]

Luka 14; 26, 27.

A faatano i na irava i nia nei i te ture no te Tufaa Ahuru. I reira a parararau atu i nia iho i teie mau huru uiraa:

No te aha te Atua i tuu mai ai te reira ture ia tatou nei !

Ei aha taua ture nei ia tatou ?

Te reira anei te ture i te ao a muri atu ?

E mea tia roa ia tatou, o te Autahu'araa, ia imi i te mau ravea ohie no te amuraa i to tatou iho satauro. Ia riro tatou ei pipi mau, mai te huru o ta Iesu i faaite maira.

[*Te Piti o te Sabati.*]

A tai'o e a pahono i te mau uiraa i raro nei; Ia haamana'o maitai hia i te ture no te Tufaa Ahuru mai te au i te tuuraa hia mai i tahito e ra.

E ture anei te reira i to Iseraela ? Levitiko 37:32-34.

E aufania te ahuru ia vai ? Numera 18:21.

No te aha o Aberahama i haamaitahia'i ? Gen. 14:18-20; Heb. 7:1,2,5.

E aufau i te ahuru no te aha ? Deuteronomi 14:22.

Eaha ta Iakoba fafauraa ? Cenese 28:22.

E aufauraa anei to te ahuru i te tau o Nehemia ? Nehemia 13:12.

E faatura'tu i te Atua i te aha ? Maseli 3:9, 10.

Ua faatia anei te Mesia i teie nei ture ? Mataio 23:23.

[*Te Toru o te Sabati.*]

E ua haapii, e ua tauturu hoi te tahi i te tahi, e ua amui noa hia ta ratou atoa ra, e e parau-tia ana'e ta te tahi i te tahi.

III Nephi 26:19.

Eaha te ture no te amuiraa tao'a ?

Ua haapaohia anei te reira e te ati Nephi ?

" " i roto i te oire o Enoha ma ?

" " i roto i te Ekalesia i te matamua ? No te aha

i faaorehia'i.

E haapao faahou anei te Ekalesia i te reira.

[*Te Maha o te Sabati.*]

Tei te Orometua faatere te maitiraa i te reira Sabati: E faatere anei te hi'opoaraa no te mau parau i haapiihia, e a ore ra e faatere i te hoe haapiiraa api.

Na Te Mau Maapii

Mahaere na te mau utuafare,

O TE hanere teie o te matahiti, mai te fariiraa hia, e te Feia Mo'a, te heheuraa i nia i te ture no te *Tufaa Ahuru*. O te parau faaitoitō atoa ia na te mau Haapii haere, i te mau Amaa atoa no te Ekalesia nei, ia maramarama to te Ekalesia atoa.

Teie te parau i fariihia i te matamua ra:

Oia mau, te parau maira te Fatu, e titau Vau ia horoa ratou i ta ratou mau faufaa hapa i roto i te rima o te Episekopo no Ta'u Ekalesia i Ziona. —Ia riro te reira ei haamataraa no te aufauraa, i te tufaa ahuru, e to'u mau taata.

I muri a'e i te reira, o ratou tei rave i te ahuru o te tufaa, e aufau ratou i te tufaa ahuru no nia i ta ratou mau tufaa i te mau matahiti atoa; ia riro te reira ei ture faito mure ore no ratou, no Ta'u Autahu'araa mo'a, te na reira maira te Fatu.

Ia ore ana'e i haapaohia, e To'u mau tuata, teie nei ture e ia haamo'ahia te reira, e ia haamo'a ratou, na roto i teie nei ture, te fenua ra o Ziona i roto ia'u, e ia haapaohia Ta'u mau ture e Ta'u mau haavaraa i reira ia riro te reira ei mea mo'a atoa, inaha, oia mau Ta'u e parau atu nei ia outou, e ore roa te reira e riro ei Ziona no outou. B. F. 119:1, 3, 4, 6-7.

TE SOTAIETE VAHINE TAUTURU.

Haapiiraa no te Ava'e TIURAI

Irava Tamau Aau: Malaki 3: 11.

Mahana Maha (Matamua).

E haapii i te parabole i papaihia i roto i te Isaia 5:1-7, e ia oti te reira e iritiraa mana'o ia na te mau tuahine.

Mahana Maha (Piti).

Te au taeaeraa o Iesu. Ioane 15:13-16; 8:11; Luka 18:15-16; Mataio 5:27-32; 26:50.

E mea nahea tatou i te faatupu i te autaeaeraa i roto ia tatou iho nei.

Mahana Maha (Toru).

Te ture no te Tufaa Ahuru. Genese 4:3-7: 14:18-20; 28:20-22.

Mahana Maha (Maha)

E mahana hi'opoaraa teie i te mau parau i haapiihia i roto i teie ava'e, e a ore ra, e mahana ohiparaa na te peretiteniraa.

HAAPIIRAA SABATI.*Haapiiraa no te Ava'e TIURAI.*

Irava tamau aau: III Nephi 24:10.

Na te pupu 3 e te 4.

Tiurai 3. Te feia o Amona.

Alama 53.

" 10. Na Episetole a Moroni e Amarona.

" 54.

" 17. Ta Moroni ravea paari.

" 55.

" 24. Ta Helamana Episetole ia Moroni.

" 56.

" 31. Hi'opoaraa no te mau pūpū atua.

Na te Pupu Piti.

Irava tamau aau. Hebera 11:6.

Na te Orometua iho e maiti i te parau e au no ta'na pupu.

Te Paraimere.

Irava tamau aau: Genese 17:9.

Tiurai 3. O Aberahama te metua maitai.

Genese p. 13, 14.

" 10. To Aberahama faa tamaaraa i te Melahi.

" 18.

" 17. Na Metua here toopiti.

" 19.

" 24. To te Atua aroha ia Hagara.

Genese 16:1-9; 21:9-21.

" 31. Hi'opoaraa no te mau parau i haapiihia.

HAAPIIRAA NA TE FEIA API.

HAAPIIRAA NO TE AVA'E ME

Irava tamau aau: II PARALEIPOMENO 31:10.

E haapiiraa no nia i te

AUTAHU'ARAA PATEREAREHA

Tei papaihia e NOELA Orometua.

Uiraa 1. Ehia toroa ai'a, i roto i te Autahu'araa o te hee mai te metua i nia i te tamaiti ?

Pahonorua. E piti noa iho.

Uirra 2. Eaha te toroa ai'a matamua ?

Pahonoraa. Te Patereareha ia, oia hoi te haapii evanelia. Te na ô maira te parau no te haapii evanelia:

E ohipa na te Ahuru ma Piti, i roto i te mau Amaa rarahi atoa no te Ekalesia, o te faatoroa ia i te mau haapii evanelia, ia faaitchia mai ratou i te reira na roto i te heheuraa.

Te huru no teie nei Autahu'araa, ua haamauhia ia hee mai, mai te metua i nia i te tamaiti, e te tiaraa mau ra, ei nia mau ia i te huaai i maitihia e o tei parauhia maira. Ua faatumuhia te reira huru i te anotau no Adamu, e ua faaterehia mai te reira, na nia mai i te huaai e tae roa mai i teie nei.

Uiraa 3. Tei ia vai te mana no te faatoroaraa i te Patereareha ?

Pahonoraa. Tei te mau Aposetolo te mana no te faatoroaraa ia ratou.

Uiraa 4. Eaha te Autahu'araa o te Patereareha ?

Pahonoraa. O ta te Patereareha ia, oia hoi, te Autahu'araa Patereareha.

Teie te irava tei faaite mai i te auraa o teie nei ture:

Ua roaa ia Haeramu Semita te toroa Patereareha na roto i te ai'a e te haamaitai i haapaohia na'na e to'na metua.

Ia rave ta'u tavini o Haeramu i te toroa autahu'araa e ei patereareha, o tei haapaohia na'na e to'na metua, na roto i te haamaitai e na roto atoa i te ai'a, ia mau oia, mai ô nei atu, i te mau taviri no te haamaitai a te patereareha i nia i te mau upoo no to'u atoa ra mau taata.

Uiraa 5. Eaha te piti o te toroa ai'a ?

Pahonoraa. O te Episekopo ia. Tei te matahiapo o te huaai mau o Aarona te tia ia mau i teie nei toroa Episekopo. Ia maitihia râ e ia faatoroahia hoi oia e te Peresideniraa matamua, e ei taata au maitai no taua toroa ra e tia'i. Ia ore râ ia iteahia te huaai mau no Aarona, e tia noa ia ia haapaohia te Tahu'a rahi ei Episekopo.

Uiraa 6. Ehia toroa tei faataahia, e te Atua, te noaa i te huaai na roto i te ai'a e te haamaitai ?

Pahonoraa. E piti noa iho toroa, tei faataahia e te Atua, te noaa i te huaai na roto i te ai'a e te haamaitai.

Uir
Pah
hee m
E n
roa P
ai na
toroa
tahu'a

Uir
ai, ma
Pah
na nia
Uir
ia Ada
Pah
i ta'na
leela,
mai ia

Uir
Pah
Uir
ahuru
Pah
haama
Uir
hia i r
Pah
ma e t
e mai
ra, au
nia e t

Uiraa 7. E tapao mau te reira no te aha ?

Pahonoraa. E tapao mau te reira e, aita'tu â e toroa te hee mai na roto i te ai'a, te tufaa matahiapo e te haamaitai.

E no reira, e ore roa te Peretiteniraa no te Ekalesia, te toroa Peropheta e te Autahu'araa a Melehizedeka e noaa i te huaai na roto i te tufaa matahiapo. Te toroa Paterearehara e te toroa Episekopo, o te reira ana'e ia te toroa hee i roto i te Autahu'araa a te Atua.

Parau tauturu:

B. F. 107:29-41; 124:91-92; 68:15, 19.

E haapiiraa no nia i te
AUTAHU'ARAA PATEREAREHA

E tuatiraa teie.

Uiraa 1. Eaha te toroa tei faaterehia mai, na nia i te huaai, mai ia Adamu mai â ?

Pahonoraa. O te toroa Patereareha ia tei faaterehia mai, na nia i te huaai, mai ia Adamu mai â.

Uiraa 2. A faaite mai na i te heeraa o taua toroa ra, mai ia Adamu, i nia i ta'na huaai, e tae roa mai ia Noa ?

Pahonoraa. Ua hee mai te reira mana mai ia Adamu i nia i ta'na tamaiti ia Seta, e ia Enosa, e ia Kainana, e ia Mala-leela, e ia Iareda, e ia Enoha, e ia Metusela, e ia Lamaha, e mai ia Lamaha i nia ia Noa.

Uiraa 3. Ua riro anei o Aberahama ei Patereareha ?

Pahonoraa. E, ua riro mau oia ei Patereareha.

Uiraa 4. Ua riro anei o Iakoba, e ta'na mau tamarii e hoê ahuru ma piti, ei mau Patereareha ?

Pahonoraa. E, ua riro o Iakoba ei Patereareha i to'na haamaitairaa i ta'na mau tamarii e hoê ahuru ma piti ra.

Uiraa 5. Eaha te parau tuatapapa no Iesu, mai tei faaite hia i roto i te Mataio ?

Pahonoraa. Ua faaitehia te mau ui atoa, mai ia Aberahama e tae roa mai ia Davida ra, au ahuru ia e maha tiahapa; e mai ia Davida ra e tae roa a'era i te revaraa i Babulonia ra, au ahuru ia e maha tiahapa; e mai te revaraa i Babulonia e tae roa mai i te Mesia ra, au ahuru ia e maha tiahapa.

Uiraa 6. O vai te upoo o te mau taata, mai te haamata-
raa o te ao nei e tae noa'tu i to'na hopea ?

Pahonora. O Adamu ia te upoo, no te mea o oia te taata
matamua tei farii i te toroa Patereareha.

Parau tauturu:

Buka Poe Tao'a rahi. Aberahama 1: 26; Genese 17: 5;

Mataio 1: 17: B. F. 107: 55.

E Haapiiraa No Nia I Te AUTAHU'ARAA A MELEHIZEDEKA

Tei papaihia e Noela Orometua.

Uiraa 1. I nafea i haamatahia'i te Autahu'araa a Melehi-
zedeka ?

Pahonora. Aita to'na e haamataraa e aita to te Autahu'-
araa a Melehizedeka e nopea ua vai noa te reira autahu'araa
i rotoi te Ekalesia a te Atua, i te mau ui atoa.

Uiraa 2. E mea uafea ia faatoroa i te taata, i te Autahu'-
araa ?

Pahonora. Na te Varua Maitai e maiti te taata no te to-
roa, na te Ekalesia e faatia i to'na maitiraahia, e i te hopea,
na te feia mana e tuu i to ratou mau rima, i nia i to'na upoo,
no te faatoroaraa'tu ia'na. No reira, e mea na roto i te mana
o te Varua Maitai te taata e farii ai i te toroa no te Autahu'-
araa.

Uiraa 3. E hee anei te Autahu'araa a Melenizedeka, mai
te metua i te tamaiti ?

Pahonora. Aita. Ua faataa maira te Atua e, e piti noa
iho toroa te hee, mai te metua i te tamaiti, oia hoi, te Epi-
sekopo e te Patereareha, e aita'tu â e toroa te hee mai na
roto i te ai'a.

Uiraa 4. Ua faatoroa anei o Iesu i Ta'na mau pipi e hoê
ahuru ma piti ra ?

Pahonora. E, ua faatoroa o Iesu ia ratou.

Uiraa 5. Ua maiti faahou anei o Iesu i te tahi mau taata
mo te poro-haere-raa i te Evanelia ?

Pahonoraa. E, ua maiti faahou Oia i te tahi atu â mau taa-ta, oia hoi, te Hitu Ahuru, e ta toopiti atura i te tonoraa ia ratou na mua Ia'na.

Uiraa 6. Ua faatia anei o Iesu i Ta'na Ekalesia, i te ao nei, i To'na iho tau?

Pahonoraa. E, ua faatia Oia i Ta'na Ekalesia i To'na tau, e ua tuu hoi Oia i te Aposetolo i roto i te Ekalesia, o mua ia, e te piti ra, e peropheta ia, te toru ra, e haapii ia, e te rave tapao, e te faaora ma'i, e te tauturu, e te faaite, e te parau êê.

Uiraa 7. Tei ia vai te mau mana e te mau taviri, no te Autahu'araa, i to tatou nei tau?

Pahonoraa. Tei te Peretiteniraa Matamua taua mau mana ra e taua mau taviri ra. E ia ore te pŭpŭ Peretiteniraa matamua, na roto i te pohe e a ore ra, no te hara, tei te pŭpŭ piti, oia hoi, te mau Aposetolo te rave i te mau ohipa atoa no te Peretiteniraa, no te mea tei ia ratou te mau mana e te mau taviri no te faatere i te mau ohipa atoa o te Ekalesia i te ao atoa nei.

Parau tauturu:

B. F. 84:17,18; 20:60,63,65; 107:8-12; 68:15,19; 125:91,92;


Mataio 10:1; 16:19; Ioane 15:16; Luka 10:1; I Kor. 12:27-28;

B. F. 104:11,12.

TE PARAIMERE

E haapii te pŭpŭ Paraimere i te parau Tuatapapa no Iosepha SEMITA. A tamau i te mau haapiiraa tei papaihia i roto i taua buka ra.

E haapii atoa hoi i te himene, e na te orometua e imi i te mau hautiraa maitai na te pŭpŭ tamarii.



E Utua Rahi To te Faaroo e Te Tiaturi I Te Atua.

I Te hoê mahana, i te matahiti 1848, te faaineine ra te hoê pŭpŭ Feia Mo'a i te faarue i to ratou puhaparaa, i Missouri, no te hamani inoraa a to ratou ra enemi i nia ia ratou. Tei roto i taua pŭpŭ ra te hoê Vahine ivi e ta'na nau tamarii too pae, tei ineine atoa no to ratou haereraa na te medebara a tae atu ai i te mau mou'a ofai ra. Na mua rii i to ratou tereraa ra, haere maira te taata faatere o teie pŭpŭ, no te hi'opoa haere e, ua nahonaho mau anei te mau mea atoa no teie tere, ia ore ia tupu te fifi i muri a'e. Ia tae mai ra oia i te pereoo o teie nei Vahine ivi, e ta'na mau tamarii, ueue atura oia i to'na upoo ma te parau atu i teie nei Vahine ivi e, eita roa e tia ia'na ia faatia ia amui mai ia'na i roto i ta'na pŭpŭ, o te riro hoi oia ei hopoia rahi e ei faaturoriraa no to'na pŭpŭ i roto i taua tere atea ra. I te faaroora teie nei Vahi ivi i te mana'o o te Raatira, tupu roa a'era to'na peapea. E taime rahi tei pau ia'na, e tana mau tamarii, i te faaineineraa. Ua onono uoa ra teie nei Vahine i te ani atu i te Raatira, e i te hopea, ua manuia oia area, ua haapapu mai te Raatira e, mai te mea e tupu uoa'tu te hoê maa fffi i nia ia'na e ta'na mau tamarii, e ore roa e tia ia'na i te horoa'tu i te hoê a'e tautururaa ia ratou. I te faaroora te mau tamarii, a teie nei Vahine ivi, i te mau parau a te Raatira, na ô ihora i roto ia ratou e: *Na vai atura hoi tatou nei e tauturu i roto i teie nei tere?* Pahono atura to ratou Metua Vahine i te Raatira, na ô atura: *E te raatira e, e ré oe ia'u i te haereraa i te mau mou'a ofai, ma te titau ore atu hoi ia oe i te hoê a'e tauturu.* Maere rahi roa'tura hoi teie mau tamarii i te pahonora a to ratou Metua vahine.

E tuatihia teie nei parau.



I t
Utah
no Cl

Ua
Mo'a
e mah

No
tama'
e ua
mantu
taua t
mana'
tama'
te Tap

Ua
atu i t
lini i t
o Hitl
te mau
pea o
pea ia
ia'na i
i te Pe

Ua
to i tau
te pae
Puruti
to rato
parau
te tam

Teie
ia tupu

Ua
pahi re
tete e t
hi reva
reira tu
tou i te
te poti

TE MAU PARAU API

I te 25 no Me i mairi a'enei, ua tae mai na Orometua api e toru no Utaha mai, oia hoi, o ETERA T. Benson, no Park City; o RE O Mc Entire, no Clearfield, e o O. RUTENA Allred, no Ogden.

Ua Bapetizohia e ono taata, i roto i te Ekalesia a Iesu Mesia i te Feia Mo'a no te Mau Mahana Hopea Nei, i roto i te ava'e no Me i mairi a'enei, e maha i Takaroa, e e piti i Tahiti nei.

No te tamairaa i rotopu i te Tinito e te Tapone. Aita a i hau te tama'i i rotopu i taua nau hau ra. Tei roto i te tufaa fenua ra o Shantung e ua rahi roa te taata tei pohe i na pae e piti ra. Ua mana'ohia e, e huru manuia te Tinito i teie nei, no te mea ua etaeta roa ratou i te parururaa i taua tufaa fenua ra, e aita ta te Tapone e api i roa i teie mau mahana. Ua mana'o atoahia e, ia ore te Tapone ia haavi oioi i te Tinito, e riro paha te tama'i i te faaea i te matahiti i mua nei, no te mea —te pau nei te faufaa a te Tapone.

Ua haere te taata faatere hau no Purutia, o HITLER, i Italia e farerei atu i te taata faatere hau no Italia ra, o MUSSOLINI, e ua faatupu o Mussolini i te ho'e fariiraa hanahanaraa no Hitler. I to raua mau paraparauraa, o Hitler tei rahi i te parau—e ua na o mai oia e—eita oia e faaea i te imi i te mau ravea e roa faahou mai ai te mau tufaa fenua ra tei riro e i te hopea o te tama'i rahi i mairi a'enei. Ua fafau o Mussolini e, eita oia haapeapea ia Hitler i to'na haereraa i te fenua o te Tcheko, e eita oia e tauturu atu ia'na ia tupu noa'tu te tama'i, maori ra ia haere mai te Rutia e tama'i atu i te Purutia.

Ua rahi ihoa te peapea i te fenua o te Tcheko, no te mea te vai nei, i roto i taua fenua ra, e 3.500.000 taata Purutia, area ra, e ere ratou atoa no te pae faatereraa o te Nazi. E ua parau atu te tahi pae o taua mau taata Purutia ra e—e tauturu ratou i te hau Tcheko e tae noa'tu i te maniiraa o to ratou iho toto. Ua tuu atu te taata faatere o te Nazi, i taua fenua ra, i te parau ra e, eiaha te ho'e hau no rapae ia tauturu i te hau Tcheko, e tupu ia te tama'i.

Teie ra, ua taho'e o Baratane e o Farani no te tautururaa i te hau Tcheko ia tupu noa'tu te ho'e peapea i rotopu i te Purutia e te Tcheko.

Ua ora i te ma'o. I te 26 no Eperera i mairi a'enei, a mairi ai te ho'e pahi reva i raro i te tai, i te pae fenua i Marite, ua ravehia te mau horo patete e te ho'e pahi e ua vaihohia te raatira e na tauturu no'na i nia i te pahi reva. Aita i maoro i muri iho haamata ihora te pahi reva i te tomo, e i reira tuu ihora ratou i to ratou poti nainai i raro i te tai, e a haamata'i ratou i te haere i roto i te poti, tae maira na ma'o rahi e piti i te hohoniraa i te poti, aita ra te ho'e taata i noaa, e no raua manuia ore tito ihora raua iho.

Te mataitaira oia i te imiraahia o to'no iho tino. O te ohipa ia i tupu i te oire ra i Homestead, Ameriea, A mataitai noa'i te tahi mau taata i te tahi mau feia hopu o tei tamata i te tomo i roto i te tahi pereoo uira tei topa i roto i te hoê apoo faataheraa pape ua parau atura te hoê taata, o Edward McGarrah, te mana'o nei au e, e manuia ratou i te hutiraa mai to'u pereoo i nia. Na ô atura te tahi taata: ta oe pereoo. Pahono atura oia; E, o vau te taata faahoro i te reira. Parau atura te tahi taata: E ere te pereoo ta ratou e rave nei. o to oe iho ra tino ta ratou e imi nei. I te faaroora te mau feia hopu i te reira mau parau, faaea ihora ratou i te hopu.

I roto i te ava'e no Eperera i mairi a'enei ua noaa ia Edouard DALADIER te faatereraa hau i Farani, no roto i te tahoêraa o te mau Deputes. I teie nei ra te afaro nei te mau ohipa i Farani, no te mea ua etaeta maitaita'na mau faatereraa, e ua parauhia, e te tahi mau taata êê, ua riro te nuu faebau no Farani ei nuu faebau numera hoê no Europa taatoa.

I te 23 no Eperera i mairi a'enei ua tupu te hoê ati rahi ri'ari'a i te oire ra i Grundy, America. A rave ai te mau taata i te ohipa roto i te oraa arahu, i raro i te fenua, ama ihora te matai taero e tupu aturu te hoê haruru rahi e parari ihora te mau e'a e ua pohe roa e 45 taata i roto ra.

E oire huru ê mau. Te vai nei, i te fenua Inidia, te hoe oire rahi, e 300.000 taata to roto ra, tei ore roa i hamanihia mai te tahi mau oire. Aita roa te hoê vahi iti raau, e a ore ra e ofai i ravehia no te hamaniraa i te mau fare, maori ra e ofe ana'e. Ua ravehia te ofe no te hamaniraa i te mau tufaa atoa o te mau fare e tae noa'tu i te mau ohipa atoa i roto ra. E te parau nei te mau feia paari e, e ere te ofe i te raau, e matie râ.

E ohipa apî. Te faaite mai nei te taata ra o C. T. Murchison, Peretiteni no te hoê Taiete hoo vavai. ua fatata te tau e parahi ai te mau taata no America i roto i te fate vavai, no te mea te imibia nei te mau ravea atoa no te hamani i te mau fare, tei oti noa i te tapupuhia, ma te papaihia, o roto e o rapae atoa hoi, i te vavai.

Te parau ra te hoê taote no Vienna, Austria, ua iteahia ia'na te hoê raau te boroa faahou mai i te apî i te mau taata ruau. I ta'na parauraa ra, e raau ohie roa ia haapao, oia hoi, e inu noa e a ore ra e taurami, e e ora atoa te mauui upoo, to te ivi tua e te varea ore i te taoto i taua raau faahiaha ra,

*Te hoo o teie nei ve'a:
E pae farane i te matahiti hoê:
E hoê ahuru farane no na matahiti e toru.*

Marcel Bonnet Gérant
W. Dean Palmer Imprimeur.
Rue Dumont d'Urville, Orovini, Papeete, Tahiti.

E ha
hi

m
re n
pee
ratou
turori